

per in Gallijs infideliter edito, quam cæteris rebus nauare operam soleo, eam studiosæ iuuentuti detrectarem. Est enim in hoc autore non illa solum, quæ alioqui iacentes hominum animos ad omnem uitæ honestatem amplectendam excitare solet, admirabilis antiquitatis effigies, multiplex eruditionis elegantia, & selecta optimorum exemplorum copia, uerum maior quædam lectiõis utilitas, quam uulgius hominum animo complectatur. Continet enim uaria gentium ordinumq; instituta, admirabilia prudentum consilia, & ea etiam iurisperitorum senatusq; consulta, quæ hæcenus à paucis admodum sunt intellecta. Quare etiam magis necessaria huius libri esse lectio cum omnibus illis, qui ingenuarum artium exemplorumq; certas formas eue locos communes sibi colligere student, tum uerò iureconsultis, quorum ut sollicitudini pro nostra summa ac perpetua in rem literariam uoluntate opitularerur, curauimus magna fide ac industria passim ad marginem ipsa legum capita signari, quarum declarationem faceret autor ipse, quo melius ex ipsius iureconsultorum fontibus lector deprehendat, quantum utilitatis ad res magnas atq; arduas intelligendas adferat diligens huius libri lectio. Priores annotationes sine animi iudicio, sine ordine temerè uidentur adiectæ, tanquam quidam resuris indices; nos maluimus in describendis legum capitibus, sine quibus intelligi autoris sensus non potest, studiosorum commoditati seruire, ut propensum in rebus arduis conatum nostrum agnoscere possint. Cuius animi nostri fidem iam alteram lectori hanc esse uolumus, quòd cum tota pagina in priore illa editione esset uel omisa uel turpiter deprauata, totusq; liber passim esset plurimis lacunis defœdatus, curauimus diligentiâ maxime ARNOLDI ARLENII ornatissimi iuuenis, ut ex Bononiensibus bibliothecis solidum nobis exemplar daretur, ad cuius imitationem nostra hæc editio effingeretur; quam ob id debet optimus quisq; boni consulere, q; in ea paranda nihil nisi utilitatem communem simus secuti.

VALE.



QVAE DE AVTORIS VITA EX HISCE
COMMENTARIIS COLLIGERE
LICVERIT.

DE ALEXANDRO hoc, nihil à recentioribus Græciorum scriptum comperitur: cum tamen eorum tempore uixerit, quorum uita à diuersis conscripta sunt, nimirum Fran. Philelphi, Geor. Trapezuntij, Iohan. Platine, Iouiani Pontani, Theodori Gaza, Nico. Perotti, Do. Calderini, Hermolai Barbari, Pauli Cortesij, Raphaelis Volaterrani, quos partim Romæ prælegentes audiuit, partim officio sibi deuinxit, partim etiam questionibus propositis (ut fieri solet inter doctos) exercuit. Philelphum iuuenis senem obseruauit, illumq; Romæ M. T. Ciceronis Tusculanas quæstiones summo artificio prælegentem audiuit. Nicolaum Perottum & Do. Calderinum scribit sua etate Martialis apophoreta magna emulatione Romæ in scholis eodem tempore prælegisse. Professione fuit iuriconsultus, in qua eò usq; progressus est, ut & in agro Neapolitano, & Romæ causas sepe defenderit: ubi & ædes ostentis umbrarumq; illusionibus infames se aliquando incoluisse scribit, ac in agro Vaticano prædiolum habuisse. Tandem ubi in iudicijs gratia & corruptionibus omnia transigi uideret, patronisq; contra uim potentiorum nihil amplius præsidij esse, relicto foro, & causarum actionibus, in mitioribus studijs etatem consumpsit: satius esse ducens, ut ipse de se inquit, modico ciuiliq; cultu contentum uiuere, quam bona animi turpi quaestu pessimo exemplo scædare.